

Edizione diplomatica

 Image not found https://letteraturaeuropea.let.uniroma1.it/?q=sites/default/files/styles/330x220/public/bernart_de_ventadorn.jpg	Bernard del uentadorn. Pel dolz can qel rosignols fai. Ia noz can mi sui adormiz. Reuoill de ioi toz esbaiz. damor pensis eco(n)siranz. Caiso es mos meilliers. q(ue) toz temps ai ioi uolu(n)tiers. Et ab ioi com(en)ca mos chanz.
	Qui sabia lo ioi queu nai. Nel ioi fos tals que(m) fos aissiz. Toz autres fora iois petiz. Uas quel meus iois fora g(ra)nz. Tals se fai coindes eparliers. Ecuida esser rics esobriers. De fin amor quen ai dos tanz.
	Qant eu li remir son cors gai. Com ses be faiz a toz egen chاوزiz. Desa cortesia edesos bels diz. Esi del plus men p(re)n talanz. Cops iauria uns ansz entiers. Si uolia esser u(er)tadiers. Tant es cortesia eben estanz.
	Do(m)na uostrom sui eserai. Al uostre seruisi garniz. uostro(m) sui iuraz epleuiz. Euostres era der enanz. Euos ses lo meus iois p(ri)mi ers. Esi serez uos lo deriers. Tant (co)[1] la uida mer duranz.
	Sill q(ue) cuidam q(ue)u sia sai. No sabon ges co(m) lesperiz. Es deleis p(ri)uaz (et) aisiz. Si tot lo cors senes loignaz. Sapchaz lo meillor mes-
	[1] Aggiunto in interlinea.

	sagiers. Cai dellei mos cossires. q(ue)m recorda ses bels semblanz.
	Nosa coras mas sius uerai. Mas uau men iraz emarriz. P(er) uos men sui del rei partiz. Eprec uos q(ue) no(m) sia danz. Qeus serai en cort p(re)sentiers. Entres do(m)nas ecaualliers francs e dolz (et) humilianz.
	Ugonet mos cortes messagiers. Chantaz ma cha(n)sos uolu(n)tiers. A la raina dels normanz.

- letto 407 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2213>